

## UPUTSTVO ZA PACIJENTA

### PANATUS FORTE SIRUP 7,5 mg/5 ml butamirat

Prije početka uzimanja pažljivo pročitajte uputstvo jer sadrži važne podatke za vas.

Lijek je dostupan bez recepta. Uprkos tome morate ga primjenjivati pažljivo i brižno, kako bi vam koristio na najbolji način.

Čuvajte ovo uputstvo o lijeku jer Vam može ponovno zatrebati.

Ako imate dodatnih pitanja, upitajte svog ljekara ili farmaceuta.

Ako se znakovi vaše bolesti pogoršaju ili se ne poboljšaju tokom 5-7 dana, posavjetujte se s ljekarom.

Ako bilo koja nuspojava postane ozbiljna ili ako opazite bilo koju nuspojavu koja nije spomenuta u ovom uputstvu, obavijestite svog ljekara ili farmaceuta.

#### Uputstvo sadrži:

1. Šta je Panatus forte i za šta se koristi?
2. Prije nego počnete uzimati Panatus forte
3. Kako uzimati Panatus forte?
4. Moguće nuspojave
5. Kako čuvati Panatus forte?
6. Dodatne informacije

#### 1. ŠTA JE PANATUS FORTE I ZA ŠTA SE KORISTI?

Panatus je lijek za simptomatsko liječenje kašlja, odnosno smirivanje nadražajnog kašlja (antitusik) sa centralnim djelovanjem.

Sprječava neproduktivni i nadražajni kašalj, smanjuje napetost mišića bronha, a istovremeno potpomaže iskašljavanje, olakšava disanje i ublažava bolove u prsima. Tako povoljno utiče na povećanje kapaciteta disanja i na koncentracije plinova u krvi. Hemijski i po farmakološkim učincima Panatus forte se razlikuje od opioidnih antitusika te ne uzrokuje ovisnost. Također, lijek je pogodan za djecu i dijabetičare.

Panatus forte sirup se preporučuje za simptomatsko liječenje nadražajnog suhog kašlja koji nastaje uslijed bilo kojeg izvora.

#### 2. PRIJE NEGO ŠTO POČNETE UZIMATI PANATUS FORTE

##### Nemojte uzimati Panatus forte

- ako ste alergični (preosjetljivi) na butamirat citrat ili bilo koji drugi sastojak lijeka Panatus forte.

##### Upozorenja i mjere opreza

Razgovarajte sa svojim ljekarom ili farmaceutom prije nego što počnete da koristite Panatus forte:

- ako imate teško oštećenje bubrega.

Ako ne prestanete kašljati nakon 5 do 7 dana liječenja, trebete razgovarati sa svojim ljekarom ili farmaceutom.

Izbjegavajte istovremenu primjenu s ekspektoransima (lijekovi protiv kašlja koji olakšavaju uklanjanje sluzi) (vidjeti odjeljak "Drugi lijekovi i Panatus").

##### Djeca

Sigurnost i efikasnost lijeka Panatus forte sirup kod djece mlađe od 3 godine još nisu dovoljno istraženi, stoga se ne daje lije djeci te dobi.

##### Uzimanje drugih lijekova sa PANATUSOM FORTE

Obavijestite svog ljekara ili farmaceuta ako uzimate ili ste nedavno uzimali bilo koje druge lijekove, uključujući i one koje ste nabavili bez recepta.

Butamirat citrat, djelatna tvar u Panatusu, inhibira refleks kašlja. Stoga treba izbjegavati istovremenu primjenu s ekspektoransima (lijekovi koji se koriste za lakše iskašljavanje sluzi kod produktivnog kašlja) jer to može dovesti do nakupljanja sluzi i povećanog rizika od bronhospazma (suženja bronha) i infekcije dišnog sistema.

##### Uzimanje hrane i pića sa PANATUSOM FORTE

Panatus forte sirup uzimajte (ili ga dajte djeci) prije jela ili poslije jela.  
Tokom liječenja Panatusom nemojte piti alkoholna pića.

### **Trudnoća i dojenje**

Ako ste trudni ili dojite, mislite da ste trudni ili planirate da dobijete dijete, pitajte svog ljekara ili farmaceuta za savjet prije uzimanja ovog lijeka. Iako nema podataka o negativnim efektima, lijek se ne preporučuje u prva tri mjeseca trudnoće. Može se uzimati kasnije u trudnoći samo po savjetu ljekara. Takođe ne postoje adekvatni podaci o njegovom izlučivanju u majčino mlijeko; stoga se ne preporučuje njegova upotreba tokom dojenja.

Ako zatrudnite tokom liječenja Panatusom forte, razgovarajte sa svojim ljekarom.

### **Upravljanje vozilima i mašinama**

Panatus može izazvati vrtoglavicu i pospanost. Savjetuje se oprez ako namjeravate voziti ili upravljati mašinama.

### **Šta morate znati o pomoćnim supstancama koje sadrži lijek PANATUS FORTE?**

Panatus forte sirup sadrži sorbitol. Ako vam je ljekar rekao da imate intoleranciju na neke šećere, posavjetujte se s njime prije nego što uzmete ovaj lijek.

### **3. KAKO UZIMATI PANATUS FORTE?**

Uvijek uzmite ovaj lijek tačno onako kako Vam je rekao Vaš ljekar ili farmaceut. Provjerite s Vašim ljekarom ili farmaceutom ako niste sigurni.

Panatus forte sirup je primjeren za liječenje simptoma suhog kašlja kod odraslih i djece starije od 3 godine.

Uobičajene dnevne doze prikazane su u tabeli.

Dob	Doza	Frekvencija
Odrasli (i stariji)	3 kašikice za doziranje	Četiri puta dnevno
Djeca starija od 12 godina	3 kašikice za doziranje	Tri puta dnevno
Djeca od 6 - 12 godina	2 kašikice za doziranje	Tri puta dnevno
Djeca od 3 - 6 godina	1 kašikica za doziranje	Tri puta dnevno

jedna kašikica za doziranje = 5 ml = 7,5 mg butamirat-citrata

Panatus forte sirup uzimajte (ili ga dajte djeci) prije jela ili poslije jela. Sirup dozirajte priloženom kašikicom, progutajte i isperite tekućinom.

Nemojte prekoračiti preporučene doze kod samoliječenja sa Panatusom.

Samoliječenje sa Panatusom može trajati 5-7 dana. Razgovarajte sa svojim ljekarom, ako želite da koristite lijek ili da ga dajte djetetu duži period.

Ukoliko mislite da lijek Panatus forte slabo ili suviše jako djeluje na Vaš organizam, treba da se obratite ljekaru.

### **Ukoliko ste uzeli lijeka više nego što bi trebalo**

Ukoliko ste uzeli veću dozu lijeka nego što biste smjeli (ili ste ga dali djetetu), odmah se posavjetujte s ljekarom ili farmaceutom. Pokušajte izazvati povraćanje.

U slučaju predoziranja može doći do pospanosti, povraćanja, nekoordiniranih pokreta (ataksija), bolova u truhu, proljeva, uznemirenosti i ponešto sniženog krvnog pritiska.

### **Ako ste zaboravili uzeti Panatus forte**

Ne uzimajte dvostruku dozu da biste nadoknadili zaboravljenu dozu.

Uzmite lijek (ili dajte djetetu) svaki dan u približno isto vrijeme. Ako zaboravite da uzmete dozu, uzmite je čim se sjetite, ali ako imate samo nekoliko sati do sljedeće doze, preskočite propuštenu dozu i uzmite sljedeću u uobičajeno vreme.

U slučaju bilo kakvih nejasnoća ili pitanja u vezi s primjenom ovog lijeka, obratite se svom ljekaru ili farmaceutu.

### **4. MOGUĆE NUSPOJAVE**

Kao i svi lijekovi, ovaj lijek može uzrokovati nuspojave, iako se ne moraju javiti kod svih pacijenata koji dobiju ovaj lijek.

Rijetke nuspojave (mogu se javiti kod manje od 1 na 1000 osoba) uključuju osip na koži, urtikarija (koprivnjača) probavne smetnje (mučnina, povraćanje, proljev), pospanost i vrtoglavicu. Ni tokom dugotrajnog uzimanja nisu primijećene nuspojave na životne funkcije i rad drugih organa. Posebna prednost lijeka je izostanak nuspojava koje su značajne za opijatne antitusike.

#### Prijavljivanje sumnje na neželjna dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

### **5. KAKO ČUVATI PANATUS FORTE?**

Lijek se ne smije koristiti nakon isteka roka trajanja koji je naveden na kutiji. Rok trajanja odnosi se na zadnji dan navedenog mjeseca. Čuvati na temperaturi do 25 °C. Čuvati u originalnom pakovanju kako biste osigurali zaštitu od svjetla. Nakon otvaranja lijek čuvati na temperaturi do 25°C i u originalnom pakovanju kako bi se zaštitio od svjetlosti. Lijek upotrijebiti u roku od 3 mjeseci.

Rok trajanja Panatus forte sirupa je 4 godine od datuma proizvodnje.

Odmah nakon upotrebe bočicu zatvorite čvrsto.

Držati lijek van dohvata i pogleda djece!

Nikada nemojte nikakve lijekove baciti u otpadne vode ili kućni otpad. Pitajte svog farmaceuta kako baciti lijekove koje više ne koristite. Ove će mjere pomoći u očuvanju okoliša.

### **6. DODATNE INFORMACIJE**

#### **Šta PANATUS FORTE sirup 7,5 mg/5 ml sadrži?**

Aktivna supstanca: 5 ml sirupa (1 kašikica za doziranje) sadrži 7,5 mg butamirat-citrata.

Pomoćne supstance: monohidrat limunske kiseline, sorbitol (nekristalizirajući) (E420), glicerol (E422), saharin-natrij, natrij-benzoat (E211), okus limuna, natrij-hidroksid (E524), pročišćena voda.

#### **Kako PANATUS FORTE sirup 7.5 mg/5 ml izgledaju i sadržaj pakovanja?**

Sirup je bistar, bezbojan do žućkasto obojen sirup s okusom limuna.

Kutija s 200 ml sirupa 7,5 mg/5 ml u staklenoj bočici. U pakovanju je priložena i mjerna kašikica.

#### **Režim izdavanja**

Lijek se izdaje bez ljekarskog recepta.

#### **Proizvođač**

KRKA, d.d., Novo mesto

Šmarješka cesta 6, 8501 Novo mesto, Slovenija

#### **Proizvođač gotovog lijeka**

KRKA, d.d., Novo mesto

Šmarješka cesta 6, 8501 Novo mesto, Slovenija

#### **Nositelj dozvole za stavljanje lijeka u promet**

KRKA FARMA d.o.o. Sarajevo

Džemala Bijedića 125 A, Sarajevo, BiH

#### **Broj i datum dozvole za stavljanje lijeka u promet**

PANATUS FORTE sirup, 7,5 mg/5 ml, 200 ml sirupa: 04-07.3-2-12952/23 od 08.10.2024.

#### **Datum posljednje revizije teksta**

08.10.2024.